



Lembaran Pendedahan Produk Insurans Kaca

Sila baca Lembaran Pendedahan Produk ini sebelum anda membuat keputusan untuk membeli Insurans Kaca. Pastikan juga anda telah membaca terma-terma dan syarat-syarat am.

NOTIS PENTING

Manfaat-manfaat yang dibayar di bawah sijil/polisi/produk yang layak adalah dilindungi oleh PIDM sehingga had perlindungan. Sila rujuk [Brosur Sistem Perlindungan Manfaat Takaful dan Insurans PIDM](#) atau hubungi [Tokio Marine Insurans \(Malaysia\) Berhad](#) atau [PIDM](#) (layari www.pidm.gov.my).

1. Apakah produk ini?

Kepingan kaca dalam bilik pameran, pejabat dan bangunan boleh diinsuranskan di bawah Insurans Kaca ini. Permintaan ke atas insurans kepingan kaca semakin bertambah kerana penggunaan kaca atau bahan yang serupa dengan kaca semakin bertambah dalam industri pembinaan, bukan sahaja untuk tingkap dan pintu, tetapi juga sebagai penutup bahagian depan dan struktur kaca penuh.

2. Apakah perlindungan/ manfaat yang disediakan?

Skop perlindungan Polisi Kaca adalah berasaskan dasar perlindungan "Semua Risiko" dengan tertakluk kepada pengecualian yang dinyatakan dalam polisi. Polisi ini akan menanggung rugi anda terhadap mana-mana kaca pecah oleh retakan ke seluruh ketebalan kaca itu sebagai akibat daripada sesuatu kemalangan atau kecelakaan yang tidak dikecualikan dengan cara lain.

Tempoh perlindungannya ialah selama satu tahun. Anda dikehendaki membaharui polisi insurans anda setiap tahun.

3. Berapakah premium yang saya perlu bayar?

Jumlah premium yang anda perlu bayar adalah berbeza bergantung kepada pendedahan risiko, keperluan pengunderaitan pihak kami dan jumlah diinsuranskan ke atas kaca tersebut.

Jumlah Diinsuranskan : RM _____

Kadar dikenakan : _____ %

Jumlah premium teranggar yang anda perlu bayar ialah : RM _____

4. Apakah yuran dan bayaran yang saya perlu bayar?

- Cukai Perkhidmatan : 8%
- Duti setem : RM10.00
- Komisen dibayar kepada pengantara insurans (jika ada) : 25% daripada premium atau RM _____

5. Apakah terma dan syarat utama yang saya harus ketahui?

- Kepentingan pendedahan - anda dikehendaki mendedahkan semua fakta material yang anda tahu atau patut tahu; jika tidak, polisi ini akan dianggap tidak sah.
- Semua kaca harus dianggap berkeadaan kosong dan tiada lukisan, perkataan, cetak timbul, bengkokan, saduran perak atau kerja hiasan di atas kaca boleh dianggap telah diinsuranskan, melainkan informasi sedemikian telah diisytiharkan dan dipersetujui oleh pihak kami.
- Anda harus mengambil segala langkah pencegahan yang munasabah untuk mencegah apa-apa kerosakan/pecah pada kaca.
- Anda boleh menginsuranskan harta anda berasaskan dasar Nilai Pasaran atau Nilai Penggantian -
 - a) **Dasar Nilai Pasaran** - pihak kami akan membayar kos pembaikan ke atas harta yang hilang atau rosak setelah ditolak amaun susut nilai.
 - b) **Dasar Nilai Penggantian** - pihak kami akan mengembalikan semula membaiki atau mengganti harta yang hilang atau rosak tanpa menolak susut nilai, dengan syarat jumlah perlindungan adalah mencukupi untuk menampung jumlah kos penggantian harta anda.
- Sekiranya jumlah diinsuranskan bagi harta anda adalah kurang daripada nilai sebenar pada waktu kerugian berlaku (contohnya insurans terkurang), anda dianggap harus menanggung sendiri terhadap perbezaannya.
- Lebihan, seabagai amaun yang harus anda tanggung sendiri sebelum pihak kami menanggung rugi anda.

6. Apakah pengecualian utama di bawah polisi ini?

Polisi ini tidak melindungi kerugian, kesusnahan atau kerosakan:

- Pecah yang timbul akibat kebakaran, letupan, gempa bumi, letusan gunung berapi atau banjir.
- Bingkai atau kerangka terjatuh
- Gelombang tekanan berpunca daripada pesawat udara dan lain-lain peranti udara yang bergerak dengan kelajuan bunyi atau kelajuan supersonik.
- Jika mana-mana ahli bagi keluarga atau kakitangan anda dianggap sebagai orang utama atau yang bersubahat.
- Berpunca atau disebabkan oleh:
 - a) Peperangan, penaklukan, tindakan musuh asing, pertempuran atau operasi berupa perang (sama ada peperangan diisytiharkan atau tidak) atau perang saudara.
 - b) Dahagi, mogok, rusuhan, pergaduhan awam, kebangkitan tentera atau orang awam, pemberontakan, penentangan, revolusi, ketenteraan atau perampasan kuasa, undang-undang tentera atau keadaan pengepungan, atau apa-apa kejadian atau penyebab yang menetapkan pengisytiharan atau penguatkuasaan undang-undang tentera atau keadaan pengepungan.

Nota : Senarai ini bukannya senarai yang lengkap. Sila rujuk sampel kontrak polisi untuk senarai penuh bagi pengecualian di bawah polisi ini.

7. Bolehkah saya batalkan polisi ini?

Anda boleh membatalkan polisi ini dengan memberi notis bertulis kepada pihak kami. Selepas pembatalan, anda layak mendapat pemulangan premium ditolak premium pada kadar tempoh singkat bagi tempoh polisi yang telah berkuatkuasa, tertakluk kepada premium minimum yang ditahan oleh pihak kami. Tiada pemulangan premium dibenarkan jika timbulnya tuntutan di bawah polisi ini.

8. Apakah yang harus saya lakukan jika terdapat perubahan dalam butiran peribadi saya?

Adalah penting bagi anda untuk memaklumkan pihak kami tentang sebarang perubahan mengenai maklumat anda bagi memastikan semua surat-menyurat dapat disampaikan kepada anda tepat pada masanya.

9. Dari manakah boleh saya dapatkan informasi yang lebih terperinci?

Sekiranya anda memerlukan informasi tambahan mengenai Insurans Kaca atau mana-mana jenis produk insurans yang pihak kami sediakan, sila hubungi kami atau mana-mana cawangan atau pengantara insurans anda atau layari laman web kami di www.tokiomarine.com

Tokio Marine Insurans (Malaysia) Berhad
Level 20, Menara Hap Seng 3,
Plaza Hap Seng, No. 1, Jalan P. Ramlee,
50250 Kuala Lumpur.

Customer Service Hotline: 1800 88 0812
Email: letusknow@tokiomarine.com.my

10. Lain-lain jenis perlindungan Insurans Am yang disediakan

- Insurans Wang
- Insurans Pecah Masuk
- Insurans Peralatan
- Insurans Semua Risiko
- Insurans Jaminan Setia

NOTA PENTING

Anda hendaklah membaca dan memahami polisi insurans dan berbincang dengan pengantara insurans anda atau hubungi terus kami untuk keterangan lanjut.

Informasi yang disediakan dalam lembaran pendedahan ini adalah sah pada 01/03/2024

Tokio Marine Insurans (Malaysia) Berhad dilesenkan di bawah Akta Perkhidmatan Kewangan 2013 dan dikawalselia oleh Bank Negara Malaysia.